

**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
MINISTARSTVO PRIVREDE**

**Broj: 03/1-14-3398-2/26  
Tuzla, 25.02.2026. godine**

U skladu sa članom 230. Zakona o privrednim društvima ("Službene novine Federacije Bosne i Hercegovine br. 81/15 i 75/21), člana 98. Statuta Rudnika soli „TUZLA“ d.d. Tuzla, (broj:02-01/16-2958 od 29.08.2016. godine i broj: 02-01/20-745 od 18.02.2020. godine), Ministarstvo privrede Tuzlanskog kantona je donijelo Odluku o sazivanju 54. vanredne Skupštine Društva, broj: 03/1-14-3398-1/26 od 25.02.2026. godine i ovim putem objavljuje:

**O B A V J E Š T E N J E  
O SAZIVANJU 54. VANREDNE SKUPŠTINE  
DIONIČKOG DRUŠTVA RUDNIK SOLI „TUZLA“ TUZLA**

Saziva se 54. vanredna Skupština Rudnika soli „TUZLA“ d.d. Tuzla, saziva se za dan **16.03.2026. godine (ponedeljak), sa početkom u 15:00 sati** u Tuzli, u prostorijama „Male sale“ Rudnika soli „TUZLA“ d.d. Tuzla, smještenog na adresi Tušanj br. 66.

Za 54. vanrednu Skupštinu se predlaže slijedeći:

**D N E V N I R E D:**

1. Otvaranje Skupštine, izbor predsjednika Skupštine i dva ovjerivača zapisnika o radu Skupštine.
2. Odluka o razrješenju članova Nadzornog odbora Rudnika soli „TUZLA“ d.d. Tuzla imenovanih ispred državnog kapitala.
3. Odluka o razrješenju člana Nadzornog odbora Rudnika soli „TUZLA“ d.d. Tuzla imenovan ispred manjinskih dioničara.
4. Odluka o imenovanju članova Nadzornog odbora Rudnika soli „TUZLA“ d.d. Tuzla.
5. Odluka o utvrđivanju visine naknade za rad predsjedniku i članovima Nadzornog odbora, Odbora za reviziju i predsjedniku Skupštine Rudnika soli „TUZLA“ d.d. Tuzla.
6. Odluka o davanju prethodne saglasnosti Skupštine Društva na tekst Ugovora o utvrđivanju prava, obaveza i odgovornosti u obavljanju pozicije predsjednika i člana Nadzornog odbora, Odbora za reviziju i predsjednika Skupštine Rudnika soli „TUZLA“ d.d. Tuzla.

**I Predsjednik Skupštine**

Do izbora predsjednika Skupštine, Skupštinom će predsjedavati prisutni dioničar ili punomoćnik sa najvećim brojem dionica sa pravom glasa. Skupština većinom glasova, između prisutnih dioničara ili punomoćnika dioničara bira predsjednika Skupštine i dva ovjerivača Zapisnika Skupštine.

**II Pravo učešća i prijava za učešće u radu i odlučivanju Skupštine**

Pravo učešća u radu i odlučivanju Skupštine imaju dioničari koji se nalaze na listi dioničara kod Registra vrijednosnih papira 30 dana prije datuma održavanja Skupštine.

Skupštini Rudnika soli „TUZLA“ d.d. Tuzla mogu prisustvovati dioničari ili njihovi punomoćnici koji su se prijavili za učešće u radu i odlučivanju Skupštine najkasnije 3 (tri) dana prije dana održavanja Skupštine.

Dioničar ili punomoćnik dioničara dužan je podnijeti prijavu za učešće u radu i odlučivanju Skupštine, lično ili preporučenom poštom na adresu:

**RUDNIK SOLI „TUZLA“ D.D. TUZLA,  
ulica Tušanj broj: 66, 75000 Tuzla,  
sa naznakom „Za Odbor za glasanje“.**

Uz prijavu se obavezno prilaže fotokopija isprave za identifikaciju (lična karta ili pasoš). U slučaju neposrednog prijavljivanja, prijava se podnosi u sjedištu Društva, smještenog na adresi Tušanj broj 66, 75000 Tuzla, kancelarija broj 5.

Dioničar ili grupa dioničara sa najmanje 5% ukupnog broja dionica sa pravom glasa, ima pravo pismeno predložiti pitanja i prijedloge Odluka za uvrštavanje na dnevni red Skupštine Društva, kao i izmjenu dnevnog reda i prijedloga odluka Skupštine.

Prijedlog se dostavlja u pisanom obliku neposredno ili preporučenom poštom na gore navedenu adresu, najkasnije u roku od 8 (osam) dana od dana objavljivanja ovog Obavještenja.

### **III Pravo učešća u radu i odlučivanju Skupštine putem punomoćnika**

Pravo učešća u radu i odlučivanju Skupštine, dioničar može ostvariti neposredno ili putem punomoćnika.

Punomoć za učešće u radu i odlučivanju Skupštine Rudnik soli „TUZLA“ d.d. Tuzla daje se u obliku pisane izjave, potpisane od strane dioničara–vlastodavca i punomoćnika ovjerena od strane nadležnog organa i dostavlja se Društvu lično ili poštanskom pošiljkom na adresu:

**RUDNIK SOLI „TUZLA“ D.D. TUZLA,  
ulica Tušanj broj 66., 75000 Tuzla ili faksom na broj: 035/281-652**

### **IV Glasanje na Skupštini**

Glasanje na Skupštini se vrši putem glasačkih listića zaokruživanjem na glasačkom listiću odgovora „ZA“ ili „PROTIV“ prijedloga odluke.

### **V Uvid u materijale za Skupštinu**

Narednog dana od dana objavljivanja Obavještenja do dana održavanja Skupštine dioničar/punomoćnik ima pravo uvida u materijale pripremljene za Skupštinu u prostorijama Rudnika soli „TUZLA“ d.d. Tuzla, svakim radnim danom u vremenu od 9,<sup>00</sup> do 14,<sup>00</sup> sati.

**MINISTAR  
Edin Duraković, dipl. pravnik**